



Broj/ Број : 02/2-50-1-13-14-13/08

Sarajevo/ Сарајево : 10.6.2008.

ZAPISNIK

14. sjednice Komisije za vanjsku i trgovinsku politiku, carine, saobraćaj i komunikacije Doma naroda Parlamentarne skupštine Bosne i Hercegovine, održane 4.6.2008.

Sjednicu Komisije za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH (u daljnjem tekstu: Komisija) sazvala je predsjedavajuća Komisije Alma Čolo.

Sjednici Komisije, u svojstvu članova, prisustvovali su: Alma Čolo, Dušanka Majkić, Branko Zrno, Slobodan Šaraba i Adem Ibrahimpašić te Nenad Pandurević, sekretar, i Dobrinka Savić, stručni saradnik u Komisiji. Opravdano je odsustvovao Rudo Vidović.

Sjednici su, u svojstvu predlagača i posmatrača, prisustvovali: Radomir Bogdanović, šef odsjeka u Ministarstvu vanjskih poslova BiH, Sanjin Pandžić, viši stručni saradnik za međunarodnu saradnju u Ministarstvu civilnih poslova BiH, Davorka Lasica, viša stručna saradnica u Ministarstvu vanjske trgovine i ekonomskih odnosa BiH, Lidija Vignjević, direktorica Instituta za intelektualno vlasništvo BiH, Zoran Đerić, zamjenik direktora, i Džemil Hajrić, šef Odsjeka u Agenciji za sigurnost hrane, Samir Rizvo, pomoćnik ministra sigurnosti BiH, i Zara Halilović, pomoćnica direktora u Direkciji za evropske integracije.

Sjednica Komisije počela je u 12,15 sati.

Nakon što je konstatirala da postoji kvorum, predsjedavajuća Komisije Alma Čolo za sjednicu je predložila sljedeći

DNEVNI RED

1. Usvajanje Zapisnika 13. sjednice Komisije za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH;
2. Davanje saglasnosti za ratifikaciju Sporazuma između Vijeća ministara BiH i Vlade Republike Makedonije o saradnji u borbi protiv terorizma, organiziranog kriminala, nelegalne trgovine narkoticima, psihotropnim supstancama i prekursorima, ilegalne migracije i ostalih krivičnih djela;
3. Davanje saglasnosti za ratifikaciju Sporazuma između Vijeća ministara BiH i Vlade Republike Makedonije o readmisiji lica koja nezakonito borave;

4. Davanje saglasnosti za ratifikaciju Okvirnog sporazuma između Bosne i Hercegovine i Komisije Evropskih zajednica o pravilima saradnje koja se odnosi na finansijsku pomoć EZ Bosni i Hercegovini u okviru realizacije pomoći kroz instrumente prepristupne pomoći (IPA);
5. Davanje saglasnosti za ratifikaciju Dvogodišnjeg sporazuma o saradnji (BCA) između Bosne i Hercegovine i Regionalnog ureda Svjetske zdravstvene organizacije za Evropu 2008./2009.;
6. Davanje saglasnosti za ratifikaciju Budimpeštanskog sporazuma o međunarodnom priznavanju depozita mikroorganizama radi postupka patentiranja, Budimpešta, 28. april 1977., izmijenjen 26. septembra 1980.;
7. Davanje saglasnosti za ratifikaciju Protokola koji se odnosi na Madridski sporazum o međunarodnoj registraciji žigova, Madrid, 27. juna 1989.;
8. Davanje saglasnosti za ratifikaciju konvencije o zaštiti umjetnika izvođača, proizvođača fonograma i radiodifuznih organizacija, Rim, 26. oktobar 1961.;
9. Davanje saglasnosti za ratifikaciju Konvencije o zaštiti proizvođača fonograma od nedozvoljenog umnožavanja njihovih fonograma, Ženeva, 29. oktobar 1971.;
10. Davanje saglasnosti za ratifikaciju Statuta, Općih principa i Proceduralnih pravila Komisije Codex Alimentarius;
11. Davanje saglasnosti za ratifikaciju Evropske socijalne povelje (revidirana), Strazbur, 3. maja 1996. godine;
12. Razmatranje:
 - a) Izvještaja o zvaničnoj posjeti predsjedavajućeg i zamjenika predsjedavajućeg Predstavničkog doma PSBiH Milorada Živkovića i Nike Lozančića Sobraanju Republike Makedonije;
 - b) Izvještaja o učešću stalne delelgacije PSBiH u PSOSCE-a u nadgledanju izbora u Republici Srbiji, 11. maja 2008.
13. Tekuća pitanja:
 - a) Upoznavanje o dopisu Državne regulatorne agencije za električnu energiju BiH u vezi s Prijedlogom zakona o plaćama i naknadama u institucijama BiH.

Predloženi dnevni red jednoglasno je usvojen.

Ad.1. Usvajanje Zapisnika 13. sjednice Komisije za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH, održane 22.4.2008.

Zapisnik je jednoglasno usvojen.

Ad.2. Davanje saglasnosti za ratifikaciju Sporazuma između Vijeća ministara BiH i Vlade Republike Makedonije o saradnji u borbi protiv terorizma, organiziranog kriminala, nelegalne trgovine narkoticima, psihotropnim supstancama i prekursorima, ilegalne migracije i ostalih krivičnih djela

Ad.3. Davanje saglasnosti za ratifikaciju Sporazuma između Vijeća ministara BiH i Vlade Republike Makedonije o readmisiji lica koja nezakonito borave

U vezi s raspravom o tačkama 2. do 11. dnevnog reda a koje se odnose na davanje saglasnosti za ratifikaciju međunarodnih ugovora, odnosno konvencija, predsjedavajuća Komisije Alma Čolo predložila je da se prethodno raspravlja o svim navedenim tačkama, te da se nakon toga provede glasanje, odnosno da se Komisija izjasni o davanju saglasnosti za ratifikaciju predloženih međunarodnih sporazuma. Predložila je da predstavnik Ministarstva vanjskih poslova BiH prvo da generalni osvrt na sve predložene međunarodne sporazume, a da nakon toga predstavnici pojedinih nadležnih ministarstva daju dodatne informacije i obrazloženja o svakom konkretnom međunarodnom sporazumu.

Članovi Komisije jednoglasno su podržali prijedlog predsjedavajuće, nakon čega je Radomir Bogdanović, šef Odsjeka u Ministarstvu vanjskih poslova BiH, dao generalni osvrt na sve sporazume za koje je zatraženo davanje saglasnosti radi ratifikacije. Istakao je da je za sve sporazume i konvencije provedena procedura u skladu sa Zakonom o postupku zaključivanja i izvršavanja međunarodnih ugovora, da su pribavljena sva potrebna mišljenja i da je shodno odredbama navedenog zakona Ministarstvo vanjskih poslova BiH uputilo sporazume i konvencije Predsjedništvu BiH radi provođenja postupka njihove ratifikacije. Podsjetio je da je nadležna komisija Predstavničkog doma već razmatrala sve ove sporazume i predložila Predstavničkom domu davanje saglasnosti za njihovu ratifikaciju.

Detaljnije obrazloženje dao je u vezi s Evropskom socijalnom poveljom, za koju je Predsjedništvo BiH već jednom donijelo Odluku o ratifikaciji, 11. aprila 2007. Međutim, tom prilikom BiH nije prihvatila sve članove Konvencije čije je prihvatanje obavezno da bi zemlja pristupila Evropskoj socijalnoj povelji. Naime, prema procedurama Vijeća Evrope, države koje žele pristupiti povelji dužne su prihvatiti najmanje 16 članova od čega 6 mora biti od 9 tzv. temeljnih članova ili prihvatiti 63 numerirana stava povelje. Naglasio je da se novim prijedlogom odluke Predsjedništva BiH predviđa preuzimanje članova povelje potrebnih za pristupanje i istovremeno stavljanje van snage prethodne odluke Predsjedništva BiH.

Nakon toga obrazloženje o prva dva sporazuma iz dnevnog reda, između BiH i Republike Makedonije u oblasti sigurnosti dao je Samir Rizvo, pomoćnik ministra sigurnosti BiH. Istakao je da se radi o sporazumima koji su standardizirani te da slične sporazume imamo zaključene i s drugim zemljama. Ovim sporazumima stvaraju se pretpostavke za punu saradnju između policija Bosne i Hercegovine i Republike Makedonije na strateškom i operativnom planu. Osim toga, stvaraju se i pretpostavke za vraćanje državljana ovih zemalja koji nezakonito borave na njihovim teritorijama. Pomenuta saradnja odvija se na regionalnom nivou te je potrebno da to bude urađeno i na bilateralnom nivou.

Ad.4. Davanje saglasnosti za ratifikaciju Okvirnog sporazuma između Bosne i Hercegovine i Komisije Evropskih zajednica o pravilima saradnje koja se odnosi na finansijsku pomoć EZ Bosni i Hercegovini u okviru realizacije pomoći kroz instrumente pretprijetupne pomoći (IPA)

Uvodno obrazloženje o pomenutom sporazumu podnijela je Zara Halilović, pomoćnica direktora Direkcije za evropske integracije. Naglasila je da je ovaj sporazum neophodan preduslov da bi Bosna i Hercegovina mogla početi koristiti sredstva iz tzv. pretprijetupnih instrumenata pomoći (IPA) koja će biti veoma značajna finansijska podrška Bosni i Hercegovini u postupku primjene Sporazuma o stabilizaciji i pridruživanju. Ovim sporazumom otklanja se prva prepreka na tom putu, a dalje će biti neophodno da se za svaku godinu, i za svaki program i komponentu u okviru IPA-e, zaključče posebni finansijski sporazumi. Zbog svega toga naglasila je potrebu da se ratifikacija ovog sporazuma ubrza koliko god je to moguće.

Druga zamjenica predsjedavajuće, Dušanka Majkić posebno je naglasila potrebu bliže saradnje Direkcije za evropske integracije i Parlamentarne skupštine BiH. Istakla je da je Parlamentarna skupština BiH prvi partner Direkcije u procesu evropskih integracija, odnosno usklađivanja zakonodavstva BiH sa zakonodavstvom EU ali da Parlament nije dovoljno pripremljen za aktivnosti koje dolaze. Dodala je da Direkcija uglavnom komunicira s Komisijom za evropske integracije, ali da je potrebno da se ta komunikacija proširi i na druge komisije, jer će svaka komisija razmatrati pitanja iz oblasti evropskih integracija koja su u njenoj nadležnosti. Posebno je istakla da je potrebno da se definiraju jasni standardi i procedure saradnje i komunikacije između Direkcije za evropske integracije i Parlamentarne skupštine BiH, odnosno parlamentarnih komisija, kako bi se što je više moguće ubrzale aktivnosti na ispunjavanju obaveza koje će BiH preuzeti skorim potpisivanjem Sporazuma o stabilizaciji i pridruživanju. U tom smislu predložila je da Direkcija za evropske integracije predloži standarde s ciljem unapređenja komunikacije i saradnje uključujući i određene oblike edukacije za Parlamentarnu skupštinu BiH.

Zara Halilović se zahvalila na iznesenom prijedlogu i istakla da je i Direkcija uočila potrebu za tim. Naglasila je da će predložiti rukovodstvu Direkcije za evropske integracije da razmotri i predloži Parlamentarnoj skupštini BiH program obuke s ciljem unapređenja ukupne međusobne saradnje i komunikacije.

Predsjedavajuća Komisije Alma Čolo ukazala je na potrebu da se izmjenama zakona o postupku zaključivanja i izvršavanja međunarodnih ugovora, pored postupka ratifikacije, predvide i druge mogućnosti za stupanje međunarodnih ugovora na snagu, a u skladu s odredbama Bečke konvencije o pravu ugovora. Naročito bi bilo bitno da se predvide pojednostavljene mogućnosti za stupanje na snagu ugovora koji su bitni za BiH u kontekstu ispunjavanja obaveza iz oblasti evropskih integracija odnosno sprovođenja Sporazuma o stabilizaciji i pridruživanju.

Ad.5. Davanje saglasnosti za ratifikaciju Dvogodišnjeg sporazuma o saradnji (BCA) između Bosne i Hercegovine i Regionalnog ureda Svjetske zdravstvene organizacije za Evropu 2008./2009.

Uvodno obrazloženje o pomenutom sporazumu podnio je Sanjin Pandžić, viši stručni saradnik za međunarodnu saradnju u Ministarstvu civilnih poslova BiH. Istakao je da Bosna i Hercegovina ima kontinuiranu saradnju sa Svjetskom zdravstvenom organizacijom te posebno ukazao na ciljeve ovog dvogodišnjeg sporazuma, i to: poboljšanje organizacije i menadžmenta pružanja zdravstvenih usluga, realizacija strateškog plana, smanjenje opterećenja nezaraznim oboljenjima, poboljšani nadzor nad zaraznim oboljenjima i borba protiv tuberkuloze i HIV/AIDS-a.

Ad.6. Davanje saglasnosti za ratifikaciju Budimpeštanskog sporazuma o međunarodnom priznavanju depozita mikroorganizama radi postupka patentiranja, Budimpešta, 28. april 1977., izmijenjen 26. septembra 1980.

Ad.7. Davanje saglasnosti za ratifikaciju Protokola koji se odnosi na Madridski sporazum o međunarodnoj registraciji žigova, Madrid, 27. juna 1989.

Ad.8. Davanje saglasnosti za ratifikaciju Konvencije o zaštiti umjetnika, izvođača, proizvođača fonograma i radiodifuznih organizacija, Rim, 26. oktobar 1961.

Ad.9. Davanje saglasnosti za ratifikaciju Konvencije o zaštiti proizvođača fonograma od nedozvoljenog umnožavanja njihovih fonograma, Ženeva, 29. oktobar 1971.

Uvodno obrazloženje o pomenutim međunarodnim ugovorima dala je Lidija Vignjević, direktorica Instituta za intelektualno vlasništvo BiH. Naglasila je da je ratifikacija ovih konvencija, sporazuma i protokola obaveza Bosne i Hercegovine u procesu pristupanja Svjetskoj trgovinskoj organizaciji, ali i u procesu provođenja Sporazuma CEFTA a bit će i obaveza nakon potpisivanja Sporazuma o stabilizaciji i pridruživanju i u procesu usklađivanja zakonodavstva Bosne i Hercegovine sa zakonodavstvom Evropske unije. U nastavku je istakla najznačajnije elemente svakog od ovih međunarodnih ugovora

Ad.10. Davanje saglasnosti za ratifikaciju Statuta, Općih principa i Proceduralnih pravila Komisije Codex Alimentarius

Uvodno obrazloženje o pomenutim aktima Komisije Codex Alimentarius podnijeli su Zoran Đerić, zamjenik direktora, Džemil Hajrić, šef Odsjeka u Agenciji za sigurnost hrane, i Davorka Lasica, viša stručna saradnica u Ministarstvu vanjske trgovine i ekonomskih odnosa BiH. U svom izlaganju Đerić je istakao da je Komisija Codex Alimentarius uspostavljena 1963. zajedničkim naporima Svjetske zdravstvene organizacije (WHO) i Svjetskog programa za hranu (FAO). Osnovni cilj Komisije Codex Alimentarius je zaštita zdravlja potrošača, osiguranja fer trgovine hranom i koordinacija svih aktivnosti u oblasti standarda za hranu. Bosna i Hercegovina ispunila je uslove da postane članica ove komisije i zato je sada neophodno da se ratificiraju Statut, Opći principi i Proceduralna pravila.

Ad.11. Davanje saglasnosti za ratifikaciju Evropske socijalne povelje (revidirana) – Strazbur, 3.maja 1996.

Predsjedavajuća Komisije podsjetila je da je već u uvodnom izlaganju Bogdanović, predstavnik Ministarstva vanjskih poslova BiH, dao obrazloženje u vezi s ratifikacijom ove povelje.

Nakon rasprave o svih deset predloženih međunarodnih ugovora, pristupilo se glasanju.

Članovi Komisije jednoglasno su odlučili Domu naroda predložiti davanje saglasnosti za ratifikaciju:

- Sporazuma između Vijeća ministara BiH i Vlade Republike Makedonije o saradnji u borbi protiv terorizma, organiziranog kriminala, nelegalne trgovine narkoticima, psihotropnim supstancama i prekursorima, ilegalne migracije i ostalih krivičnih djela,

- Sporazuma između Vijeća ministara BiH i Vlade Republike Makedonije o readmisiji lica koja nezakonito borave,

- Okvirnog sporazuma između Bosne i Hercegovine i Komisije Evropskih zajednica o pravilima saradnje koja se odnosi na finansijsku pomoć EZ-a Bosni i Hercegovini u okviru realizacije pomoći kroz instrumente pretprijetne pomoći (IPA),

-Dvogodišnjeg sporazuma o saradnji (BCA) između Bosne i Hercegovine i Regionalnog ureda Svjetske zdravstvene organizacije za Evropu 2008./2009.,

-Budimpeštanskog sporazuma o međunarodnom priznavanju depozita mikroorganizama radi postupka patentiranja, Budimpešta, 28.april 1977., izmijenjen 26.septembra 1980.,

-Protokola koji se odnosi na Madridski sporazum o međunarodnoj registraciji žigova, Madrid, 27. juna 1989.,

-Konvencije o zaštiti umjetnika izvođača, proizvođača fonograma i radiodifuznih organizacija, Rim, 26. oktobar 1961.,

-Konvencije o zaštiti proizvođača fonograma od nedozvoljenog umnožavanja njihovih fonograma, Ženeva, 29. oktobar 1971.,

-Statuta, Općih principa i Proceduralnih pravila Komisije Codex Alimentarius i

- Evropske socijalne povelje (revidirana) – Strazbur, 3.maja 1996.

Ad.12. Razmatranje:

- a) Izvještaja o zvaničnoj posjeti predsjedavajućeg i zamjenika predsjedavajućeg Predstavničkog doma PSBiH Milorada Živkovića i Nike Lozančića Sobranju Republike Makedonije;**
- b) Izvještaja o učešću stalne delegacije PSBiH u PSOSCE-a u nadgledanju izbora u Republici Srbiji, 11. maja 2008.**

Članovi Komisije za vanjsku i trgovinsku politiku, carine, saobraćaj i komunikacije Doma naroda jednoglasno su primili k znanju izvještaje s putovanja.

Ad.13. Tekuća pitanja:

- a) Upoznavanje o dopisu Državne regulatorne agencije za električnu energiju BiH u vezi s Prijedlogom zakona o plaćama i naknadama u institucijama BiH**

Članovi Komisije su se upoznali sa Informacijom i jednoglasno konstatirali da ona nije u nadležnosti Komisije.

Sjednica Komisije završena je u 13 sati.

Sekretar Komisije
za vanjsku i trgovinsku politiku,
carine, saobraćaj i komunikacije
Nenad Pandurević

Predsjedavajuća Komisije
za vanjsku i trgovinsku politiku,
carine, saobraćaj i komunikacije
Alma Čolo